



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnus, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

VII. Die Febrvarii.

urn:nbn:de:hbz:466:1-9625

Somnus.

tem Coadiutoribus erga Superiores candorem & obedientiam; erga omnes charitatem & pia colloquia commendauit. Somnum in lecto capere noluit; verum in sella humili vestitus, aiebat, se hostem suum operiri. Denique quasi solenne illud S. Henrici: *Post sex*, legisset, vltimo sex dierum, quos vitæ supremos habuit spatio, viuendi ac moriendi, atque se morti comparandi seriem digessit in hunc modum, 1. die Sacramentis confessionis & communionis refectus est. 2. die vitam vniuersam examine & exomologesi nouâ expiauit. 3. diem sanctæ vñctionis Sacramento dedit. 4. Sanctissimo viatico, & socijs complexu vltimo valere iubendis. 5. selectis cum Deo & sanctis, colloquijs. 6. denique, eumque supremum, morti.

Vltimorum
6 dierum
occupatio.

P. IOANNES DE LA CHAUSE.

Gallus
Flexæ 6.
Febr. 1654.

Bacchanalia.

AD Societatem mirabili casu accitus est. Etenim cum 32. ferè annos iam natus, breuique in suprema Parisiensi curia senatorum numero accensendus, per Bacchanalium dierum licentiam personatus hilaritati per choreas cum vndecim alijs indulgeret, tertius etiam decimus saltator

ignotus adfuit, eoq̃ue omnibus timorẽ incussit. Postridie in templo Ioannes hic Sacrificio diuino intererat, quo tempore qui ex energumeno pelebatur, Ioannem indicans inclamauit: *Ille meus est: calamistratus ille meus est, ni caueat. Ego hesterni causa timoris fui, utpote qui agebam tertium decimum saltatorem.* Ergo Ioannes, re altius expensâ, voti religione firmavit se Societatem initurum in qua postea Coadiutoris spiritualis gradum obtinuit, Romæ per ipsos 25. annos Præposito Generali ab epistolis, seu vt aiunt, Galliæ substitutus. Fuit vir insignitè religiosus ad omnem amussim, etiam cum alijs Minister præesset. Sub vitæ finem patientiæ laude virtutes reliquas est supergressus; quando & solitudinem, & ademptum audiendi visum, & eam, quâ horrendum in modum coopertus erat, lepram animo perquam magno, ac tolerantia planè palmari sustinuit. Aiunt quotidianum ei fuisse, vt se ab ipso temporis articulo manè horâ surgendi flagellare inciperet, quando æris campani sono excitabantur nostri, quique cum illo sono inchoato se flagellare inceperat, non prius absteret, quàm ille æris campani sonus destineret.

Damon
saltator.Calami-
stratus.

Vocatio.

Patientia.

Lepra.

Castigatio in
matutinis.

VII. DIE FEBRVARII.

P. ANTONIVS CRIMINALIS.

Iteus Puni-
cale e Febr.
1549. & 1579.

Sissæ ad Parmam 7. Februarij natus; idèd in hunc diem refertur: nam dies cædis est in incerto. Ab ipso S. P. Ignatio ad Societatem Romæ admissus, & ad Xauerium destinatus, ibi totum Comorinum semel quor-

mensibus, nudipes per ducenta & amplius passuum millia concursabat. Petentibus id socijs præfectus est, & factus spiritualis adiutor. S. Xauerius S. Ignatio scribens, illum enimverò virum sanctum esse ait, ac omnibus ira charum vt explicari vix possit: eius similes se pro illis oris desiderare. Brachmanorum cum Bagadis coortâ conspiratione pro restituendis idolo-

Timor.

Fides.

FXXX

rum honoribus, iamque sæuientibus in Christianos Ethnicis, Antonius nullam (quæ tamen haud vna offerebatur) se in tutum recipiendi occasionem arripuit; verum submissis humi genibus, ac oculis manibusque sublatis in cælum, corpus & animum ad mortis expectationem apparationemque composuit. Ita extrema opperientis latus sinistrum Saracenus hastâ aperuit. Antonius verò irruentes ad spolia diripienda barbaros, in vestibus detrahendis iuuit, vsque ad subuculam sanguine adhuc calentem illis haud repugnanter datam. Tum ad ædem sacram se agebat vt poterat, quò ibi moreretur, cum secundo vulnere hastâ inflicto saucius, in genua iterum se deiecit; telum è vulnere eduxit, ad templum iteratò se moliens, vt supremum sanguinem istic Deo aris vicinus offerret. At coorto Bagadarum tumultu, obuiam se illis vertit Antonius, & aduerso pectore hastam tertiam excepit, in genua iterum ac preces effusus. Quantum denique vulnus tulit in humero; quo prostratus, quinto vulnere iugulum, & spiritum Deo dedit, è Societate Iesu prima victima in odium fidei caesa. Punicale caput abscissum ex alto suspensum. Quotidie tritices, & sæpè quadragies; positus humi genibus, precabatur. Ad virtutes eius describendas ait Alphonsus Cyprianus integro volumine opus esse. Anno 1595. *Ioannes Dominicus Criminalis*, Antonij nostri fratris filius, iureiurando affirmavit, se cum à spe vitæ depositus iaceret, nocte intempestâ flammis circumdatum, vidisse totum suum conclaue igne compleri. Ingressum ad se horrendum dæmonem: sed simul P. Antonium adfuisse: prehensoque infirmi timentis ne à præsentè dæmone illum secum rapere connitente abriperetur brachio, Italicè dixisse: *Ioan-*

nes Dominice, firmus esio animo: & ne dubitaueris, quia hic sum ego, vt te adiue-
nem. Mox fugatum ab Antonio minacem dæmonem abiisse: simul videri Antonium patrum desisse. Hæc ille iuratus dixit; & valetudine breui receptâ, melioribus quàm antehac viuendi consilijs etiam confirmavit ea quæ iureiurando affirmarat.

Tuuit contra dæmonem.

NICOLAUS COMATIUS COADIUT.

Hic Peruani Prouincialis socius fuit & apoplexiâ ictus diem vltimum sanctè expleuit, sed non sine intervallo, quo ad se redierit. Morientem Christus incredibili iucunditate perfudit. Media enim ante migrationem horâ mirificè exultans Comatius dixit; sibi Christum mirabili gloria circumdatum adspectabilem adfuisse.

Peru. 7. Febr. 1577.

Mora.

Christus.

P. IACOBVS SALESIVS, ET GVILIELMVS SALTANOCHIVS COAD.

Vterque in odium fidei Catholicæ ab hæreticis Albenaci captus, longâ fame, siti, ærumnisque vexatus est. Salesio pro fide doctè loquenti os luto impletum. Inde pro inimicis orantis humerus sclopo traiectus; & Iacobus IESVM clamans ferro in pectus adacto confossus est. Amplexus illum Guillelmus Coadiutor pugionibus trucidatus. Cadauera per sex dies iacuere. Autores necis alij aliâ clade puniri diuinitus, delirio, triremibus, infamiâ; quidam etiam corrosi à vermibus interiëre. Cæterum Salesius Philosophiam, ac Theologiam Scholasticam primùm, deinde moralem, docuit, linguarum sacrarum, insignitè peritus. Asthmate, ac immodicæ

Galli Albenaci. 7. Febr. 1595.

Fide.

K 2 famis

Humilis.

famis morbo afflicto, laborabat tamen æquè ac valens. Vbi ubi esset, vnum sibi è socijs monitorem deligebat fidelem, atque assiduam. Dulce illi fuit silentium; & inde facilior ars orandi vsu firmata. Vnde tenerè, ac facilè abripiebatur ad Deum ab ijs quæ videbat. Aiebat; debere quemuis impensè gratulari Deo cum Sanctis de illa iucunditate quâ ipse infinitè gaudet. Cubiculi ianuam pulsante quopiam, curuatis genibus dicebat:

Incultat.
Euchar.
Hora.

Intra, Deus meus, intra animam meam. Sanctissimam Eucharistiam ferè horis singulis adorabat; sæpè etiam visitabat. Dixit Superiori; se a Deo singulis horis martyrium petiisse. idipsum petebat quotidie coram SS. Sacramento, recitatâ quinquies Dominicâ, & Angelicâ oratione in honorem Regis Martyrum boni Iesu. Dixit etiam cuiuspiam annis aliquot ante mortem; optimum genus mortis fore, si scilicet inter orandum ictus concideret: benè quoque illi quâ esset cædendus manui precabatur. Totus in amore Dei erat, seu ad socios diceret, seu familiari vsu colloqueretur. Affectus aliquot hisce versiculis illigauit:

Amor Dei.

Gusto Deum, cupio, zelor, gratusque reuoluo:

Offero, depono, atque resigno, mortificorque:

Confero, magnifico, admiror, congratulor ipsi.

Anno 1622. 5. Iulij Bruxellis dæmon ex energumena dixit, se libello de fide ab eo composito mirè vri; cæsum esse illum Albenaci ab ijs quos ipse suos amicos appellabat. Nocte post cædem proximâ, in eo, in quo Salesius natus fuerat cubiculo, per horæ spatium, & ampliùs, mirus quidam splendor eluxit; cuius rei mysterium postea eius nunciata mors enucleauit.

Cubiculi.

GVILIELMVS SALTA- MOCHIVS COAD.

Sutor officio, & postea P. Salesij socius fuit. Cum in Patris eiusdem morientis amplexibus mori peteret, iamque configeretur, manus in crucis formam ante pectus composuit, seque ad mortem heroicam breuium dolorum, ac æternorum præmiorum commemoratione cohortatus; Patere, aiebat, caro patere! Et Iesum pro dolorum condimento ingeminans vixit felix.

Gallus ibid.
7. Febr. 1599.
æt. 38.
Soc. 12.

Patientia.
Caro.

P. SIMON RIVIERE.

S. P. Ignatii, opem quotidie septies, & S. S. Xaverij quinquies implorabat. Per annum integrum & amplius constanter ad quartam quamvis horæ partem Sanctissima Iesv, & MARIE nomina piè pronunciauit. Tota illi meditatio erat Dominus Crucifixus: è cuius pedibus pendentem illam orandi formulam S. P. Ignatio tam familiarem, caractere magno descriptam præ oculis habebat æger, eamque legebat; cumque non posset, petebat eam sibi ab alijs legi: *Anima Christi sanctifica me* & quam etiam sanus in mente sæpè, & ore versabat. Licet indoctus non esset, tamen septem ultimis vitæ annis Coadiutoris subiuit officium. Quidquid blandum erat sensibus, illi vel hoc nomine erat inuisum. Fugiebat cum laudaretur; & sæpè morienti illi in ore illud: *Fugimus vanam gloriam*. Tunc & illa sibi crebriùs voluit inculcari. *Absit mihi gloriari, nisi in cruce D. N. Iesv Christi. vel: Gloriabor in infirmitatibus meis.* Semel pro nostro quodam febribus affligo

Gallus fuf.
eis 7 Febr.
1610. æt. 80.
Soc. 30.
S. P. Ign.
Xaver.
Incultat.

Crucif.

Humilitas.

Mortif.

Mors.

Missæ.

sto

Mira.

Ho sacrificauit, & ille mox valuit.
P. Simcon verò febrī correptus, ac
demum Sabbatho extinctus est, cum

ante octo dies dixisset, sibi huius vitæ
adhuc octiduum superesse.

VIII. DIE IANVARII.

P. IOANNES
LEONIVS.

Hispanus
Triguieri. 8.
Febr. 1566.

Cencianator.

Hamilis.

OB suauissimam morum facilitatem Agnus dictus. Venit in Societatem iam doctrinâ & virtute insignitè instructus, anno ætatis 33. Facundia illius fuit vox virtutis ad animos ad Deum conuertendos, & retinendos. Sciebat vti diuinarum literarum sententijs non violento ingenio adductis, sed quasi ad rem præsentem natis. Ingenti gaudio accepit Medici vocem mortem nunciantis; manumque poposcit ad osculum. Nolebat ille in vita Theologicos honores, ob modestiam: sed Xerenses mortuo cænotaphium vti Doctore crexere cum pileo, & palmâ; vt reiectus à viuo Iohanne doctus honor, mortuum sequeretur.

P. IOANNES BAPT.
SEGVRA, ET 7. SOCII.

Hispanus
in Florida 8.
Febr. 1571.

Cum Vallisoleti Rector præfesset, à B. Borgia in Floridam anno 1568. missus, ibi pro fide nauiter laborauit; donec à Ludouico Neophyto (qui ex Hispania ad patriam, & simul ad barbaros mores, desertor fidei Christianæ, redierat) & alijs barbaris, securibus concisus est post eos quorum 3. Februarij commemini. Socij huius in glorioso hoc agone fuere

Gabriel Gomez,
Petrus de Linares,
Sanctius Sauallius, &
Christophorus Rotundus. Nouitius.
Horum corpora cum conderentur,
singulorum manibus crux vna inserta,
iussu Neophyti desertoris.

Sacrum omne instrumentum in ludicrum versum. Alius patenam è collo, vt monile, seu bullam, appendit. alius casulâ indutus se iactabat: calicem alius, ceu poculum, gestabat manu. Alphonsus adolescens à Neophyti desertoris germano seruatus, aif
ficarios Crucifixum è cista extractum non sine contemptationis significatione contemplatos, alios quidem repentinò conterritos aufugisse, tres autem ipso in loco mortuos concidisse.

Crucifixus.

MANCIVS MIZO-
GVCCI COADIUT.

Fvnai natus in Regno Bungenfi cum mysteriorum fidei, ac patriæ linguæ peritiâ pro concione ad suos magno cum fructu vteretur, Neophytos in religionè firmabat tempore tempestatis à Daifuo excitatæ. Socijs à tyranno è Iaponia amandatis, Mancius more primæ Ecclesiæ latitans, Christianos omni ope solabatur, atque seruabat, ærumnas multas perpeffus; quæ illum etiam extinxere.

Iapon in
Iaponia. 8.
Febr. 1615.
ætat 43.
Soc. 13.